

第一輯 王春瑜 編

廈門大學出版社

中國稀見史料



青島二十二年十一月十五日

聖日

中國稀見史料

第一輯

王春瑜 編

廈門大學出版社

图书在版编目(CIP)数据

中国稀见史料. 第1辑·第十五册/王春瑜编. —厦门:
厦门大学出版社, 2007. 9
ISBN 978-7-5615-2748-1

I. 中… II. 王… III. ①古籍-汇编-中国②中国史-史料-明清民国时代 IV. Z422

中国版本图书馆 CIP 数据核字(2007)第 119514 号

厦门大学出版社出版发行

(地址:厦门大学 邮编:361005)

<http://www.xmupress.com>

xmup @ public. xm. fj. cn

厦门昕嘉莹印刷有限公司印刷

(地址:厦门市前埔东路 555 号 邮编:361009)

2007 年 9 月第 1 版 2007 年 9 月第 1 次印刷

开本:889×1194 1/32 印张:16.125 插页:2

定价:(全四十一册)30 000.00 元

本书如有印装质量问题请直接寄承印厂调换

山西榆次常家纂修

常氏家乘

太原范華印刷廠 1925 年鉛印

山西榆次常家纂修《常氏家乘》，太原范華印刷廠 1925 年鉛印本

山西榆次常家，是清代晉商中執牛耳者。經營國內外貿易，遠達俄羅斯，歷乾隆至宣統七朝，成為清代中俄貿易史上規模最大，實力最強，歷時最久的外貿世家。所居常家大院，房舍連雲，雕梁畫棟，今日已成聞名全國的旅遊景點。常氏的家譜，始修於乾隆四十二年（1777），道光、同治、光緒年間均曾重修。這部《常氏家乘》，始纂於民國十年（1921），歷時三載而定稿。該家譜，遠超其他家譜，包括序、書法略例、大事記、世系圖、世系表、瑩兆略（附祠堂圖）、行實略、藝文存、別錄，內容豐富精審，為常家商業之興衰，留下系統、珍貴史料，可供研究中國貿易史、晉商史者參考。該本由太原市高級工程師李晨光先生提供。

常氏家乘

常氏家乘目錄

序

書法例略

大事記

世系圖

世系表

瑩兆畧

附祠堂圖

行實略

藝文存上編

藝文存下編

別錄

目錄

范華製版印刷廠

乘餘
跋

族譜序

且事有詳稽之而無徵屢求之而弗得而往往會逢於不意創獲於無心是蓋有不可湮沒者存乎其中故雖久而必發亦雖隱而必彰也矧祖宗之於子孫一脈相傳更有精誠感召也哉我族本太谷縣惠安村人不知何時遷至本邑之墩坊村始祖諱仲林公者由墩坊復遷於茲殆歷有年所矣當時簡樸相尚譜牒無傳族人恐其久而難稽也囑萬慧譜而存之萬慧維族譜之作必詳原籍之所自來肇遷之所自始及詢諸先輩於原籍尙能言之至始遷之歲月大都疑信參半於其間是烏足據爲定論也闕疑者久之適族人有告者曰傳教寺鐘上曾見有始祖姓氏末鐫宏治年號由是推之始祖之來遷大約距是不遠也亟往而觀之見鐘上所列姓氏類皆當時醵金襄事者而始祖之姓氏亦在焉更觀所鐫年月果宏治十三年五月吉日也竊喜曰半生之疑釋於一旦儻非族人見而誌之誌而言之孰能憶及於是一爲寓目者然非始祖樂善好施常留姓氏於金石不朽之物使後世得

以參稽而確證將代遠年湮又胡由詳考而知之也則信乎有不可湮沒者存也是則往蹟之可據爲定論者也謹按 始祖至今九世以宏治十三年計之該年二百七十有八維時戶口四十餘家人丁百四十有奇庶富殷繁家給人足矣謂非 祖德宗功之克昌厥後也哉因樂而爲之序時乾隆四十二年孟夏望日九世孫萬慧謹序

重修族譜序

吾族迺本府太谷惠安人也推所自出世遠年湮蓋無稽矣自始祖姓常氏諱仲林公由惠安遷於谷邑墩坊里既而從墩坊遷於榆邑車輞里娶始祖妣劉氏生子諱廠公遂築室於此焉溯厥平生諒必素行古處匿采韜光後世子孫故不能以表其行也越及九世族曾祖諱萬慧公作世譜序覽其遺文乃知始祖之至於斯約在成宏年間也當其時戶口四十餘家人丁百四十有奇亦云盛矣迄於今戶口殷繁人丁益廣皇恩疊錫世有功名其誰不曰祖德宗功之昭茲來許垂裕後昆哉或謂始祖行居伯次初遷之時有仲氏隨焉終莫知其所止毋庸妄爲穿鑿方今道光一十七年歲值丁酉更繪新圖重贍世譜族長命敏作序敏固學業荒疏筆硯塵封第身係枝葉先言可挹敢不枚舉以慰長者之盛心以防後世之失次故不得以言之淺近辭也是爲序十二世孫敏謹序

重修族譜序

族譜何爲而復敘也爲譜之重修而敘也或曰肇遷之所自來世系之所託始舊敘已備言之子之敘不贅已乎謹對曰贅則贅矣然有不容已者殆將以譜之可傳告後人也且夫譜之留遺豈唯是攷世系知終始云爾哉順序而推之自上下下由合而分可見宗支之有別逆流而溯之自下上上由分而合可見本源之大同宗支別則人知長長本源同則人知親親立敬立愛之義於是乎寓矣我先人繼繼承承以傳於今斯何如鄭重哉嘗謂譜學之興盛於唐時至宋而歐譜蘇譜皆足爲世法要惟中存愛敬之誠乃非徒屈鋪張之舉不然雖縟節繁文僅虛車之外飾而已究何取也所願後世子孫舊典恪遵愛親敬長仰答先人鄭重之意則所爲繼述者在此即所爲佑啓者亦在此也至家室漸致豐隆簪纓益臻鼎盛其爲祖德宗功之垂裕後昆也哉誠有如舊敘所言者茲固毋庸多贅云特計戶口七十餘家人丁二百六十有奇今之視昔庶富日增矣因不禁私心竊祝曰惟祖宗之呵護分厥

後克昌式燕翼以貽謀兮卜終焉之允臧子子孫孫其相承以勿替兮愛敬中藏庶
率由乎舊章同治六年十一月初九日十三世孫立愛謹敘

重修族譜序

吾族有譜百餘年矣自乾隆開九世族祖 萬慧公創始於前至道光同治開又兩續於後大率以三十年爲度迄今又三十年矣歲乙未聚族議重修僉曰善雖然譜猶史也昔宋子京進新唐書表云其事則增於舊欲其詳也吾家舊譜派別支分有條不紊規制善矣而其間似有畧焉者謂其畧於生年月日而長幼難序也畧於科第官階而仕處難紀也略於葬地山向而塋墓難稽也略於生平事實而善行難述也於此而始議詳事似難於此而不加詳心終歉子試裁之謹應曰唯唯爰旁搜博采或得諸金石或獲諸簡編或訪諸父老傳聞其未詳確者仍畧之凡信而有徵可以繼述前人而傳諸後世者無不詳之於譜而其例則仿諸歐譜蘇譜並參 國朝紀譜任譜以釐訂之非敢妄爲穿鑿也但事繁而文不能簡六閱月而始成或曰率由舊章前序言之子之譜頓易舊制得毋非率由之義乎謹對曰舊譜編也新譜紀也茲不過遵舊編以紀其實耳必以頓易舊章爲辭是則立方之咎也夫是則立方

之咎也夫特計戶口八十七家人丁二百七十有九光緒二十二年春月十三世孫
立方謹序

重修家乘序

中華民國九年歲次庚申吾宗有重修家譜之舉蓋距清光緒丙申已將三十年矣

時堂叔子幹公修甫公洪九公齒德兼茂宗人共推首其事子幹公云贊奉任

事尙勤筆墨事可任之若調查則各分任其事翰羅隨時備疑者之商權闕者之諮

詢可耳贊奉於是謹讀舊譜而別爲發凡焉一曰大事記志乘之作首重大事吾宗

修譜是亦吾宗之志乘也溯厥初源如塋祠之設置圖譜之纂修爵秩之褒贈善舉

之闡揚節孝之旌表悉以年代爲綱下書事實略仿春秋之例取其簡括至其實

原因及有制誥文牘可稽者低一格書之仿春秋三傳例庶令閱者感發追遠之忱

激揚光裕之志二曰世系圖本本水源傳流有自清光緒丙申修譜由乙議公草

世系圖修甫公正書朱脈序次釐然今茲雖有增加舊章可率增踵之責切望來

茲三曰世系表歐蘇列表溯自馬班本史家之成規存本宗之系統丙申譜以五世

相系本名下並存行號婚娶生子秩仕葬地等茲謹遵依四曰塋兆略前賢墓地方